

## **В НЕДЕЛЮ ВАИЙ ВЕЧЕРА,**

**На Господи воззвах, поставим стихов 6, и поем самогласны три, повторяюще сия, глас 8:**

**Радуйся** и веселися граде Сионе: / красуйся и радуйся Церкви Божия: / се бо Царь твой прииде в правде, / на жребяти сидя, от детей воспеваемый: / осанна в вышних, / благословен еси Имеяй множество щедрот, / помилуй нас.

**Прииде** Спас днесь во град Иерусалим, / исполнили писание и вси прияха в руки ваиа: / ризы же подстилаху Ему, ведуще, / яко Той есть Бог наш, / Ему же херувими вопиют непрестанно: / осанна в вышних, благословен еси / Имеяй множество щедрот, / помилуй нас.

**На** херувимех носимый, / и певаемый от серафим, / возсел еси на жребя Давидски Блаже, / и дети Тя воспеваху Боголепно, / иудее же хуляху беззаконно: / стропотное языков, седалище жребца прообразоваше, / из неверия в веру претворяемое: / слава Тебе Христе, / едине Милостиве и Человеколюбче.

**Слава: Радуйся и веселися:**

**Радуйся** и веселися граде Сионе: / красуйся и радуйся Церкви Божия: / се бо Царь твой прииде в правде, / на жребяти сидя, от детей воспеваемый: / осанна в вышних, / благословен еси Имеяй множество щедрот, / помилуй нас.

**И ныне: На херувимех носимый:**

**На** херувимех носимый, / и певаемый от серафим, / возсел еси на жребя Давидски Блаже, / и дети Тя воспеваху Боголепно, / иудее же хуляху беззаконно: / стропотное языков, седалище жребца прообразоваше, / из неверия в веру претворяемое: / слава Тебе Христе, / едине Милостиве и Человеколюбче.

**Вход. Прокимен обычный: Се ныне благословите:**

**На стиховне стихиры самогласны, глас 2:**

**От** ветвий и ваий, / яко от Божественна праздника, / в Божественный прешедше праздник, / к честному Христовых страстей, / вернии, стецемся таинству спасительному: / и Сего видим за нас страсть терпяща вольную, / Тому же пение подобное / благодаряще воспоем, умильно зовуще: / благоутробия источниче, и спасения пристанище, / Господи слава Тебе.

**Стих: Воспойте Господеву песнь нову.**

**Глас 3:** Страшно еже впасти в руке Бога жива: / Сей судия есть помышлений и мыслей сердечных. / Никтоже да внидет искушая веру непорочную: / но в кротости и страхе Христу приступим, / да примем милость, / и благодать обрящем, / во благовременную помощь.

**Стих: Видеша вси концы земли спасение Бога нашего.**

**Глас 7:** Сонмице лукавая и прелюбодейная, / своему мужу не сохранившая веру, / что держиши завет, егоже не была еси наследница? / Что хвалишися о Отце, Сына отвергшаяся? / Пророки не прияла еси, Сына возвестившия. / Поне своих чад усрамяся, сие вопиющих: / осанна Сыну Давидову, / благословен Грядый во имя Господне.

**Слава, глас 2:**

От ветвий и вай, / яко от Божественна праздника, / в Божественный прешедше праздник, / к честному Христовых страстей, / вернии, стецемся таинству спасительному: / и Сего видим за нас страсть терпяща вольную, / Тому же пение подобное / благодаряще воспоим, умильно зовуще: / благоутробия источниче, и спасения пристанище, / Господи слава Тебе.

**И ныне, глас 3:**

Страшно еже впасти в руке Бога жива: / Сей судия есть помышлений и мыслей сердечных. / Никтоже да внидет искушая веру непорочную: / но в кротости и страхе Христу приступим, / да приимем милость, / и благодать обрящем, / во благовременную помощь.

**Ныне отпускаеши: И по Отче наш, тропарь: Богородице Дево радуйся: И прочая яко обычно. И обычныя поклоны.**

Вестно буди, яко Богородице Дево: и прочая, со сладкопением поются, во святая Четыредесятницы Недели, такожде и в настоящую. В прочия же дни Великия седмицы поскорю глаголются.

## **В НЕДЕЛЮ ВАИЙ ВЕЧЕРА НА ПОВЕЧЕРИЕ,**

**Повечерие глаголем малое, на немже поем трипеснец господина Андреа Критскаго. Ирмос по дважды. Тропари колико их есть. И последи ирмос оба лика вкупе. Такожде творим и в прочия Великия седмицы вечера, на Повечерии. Глас 8.**

### **Песнь 1.**

**Ирмос:** Сокрушившему брани мышцею Своею, / и проведенному Израиля сквозе Чермное море, / поим Ему яко Избавителю нашему Богу: / яко прославился.

Иосифово целомудрие подражаем вернии, разумеим Почетшаго человеческого словесное существо, всяцем хранением поживше добродетелию действительною.

Добрых неделание уподобися смоковнице: сего убо уклонимся, да не изсхнем якоже она тогда, соборище листвием покрывающееся преднаписующая.

Образ Владычень подписуя Иосиф, в ров ввержен бывает, продается от сродник, вся терпит приснопамятный, во образ поистинне Христов.

Смоковницы бесплодствия убежавше братие, разумеим образ, да не изсхнем якоже она тогда, егда возвращаяся Человеколюбец прииде к ней алча.

Иисус за мир тщася пострадати волею, идет со ученики Своими во град Иерусалим к вольней страсти, юже прииде пострадати.

Прилепившеся Господеви вся тщасемуся пострадати, готови будем на оплевание, на поругания, и на уничижения: яко да пречистыми Его страстьми прославимся вернии.

Страстьми страсти исцеляет, Пострадавый о нас: хотя бо производит, на наше существо человеческое, животворная Своя страдания, да мы спасемся.

**Слава:** Три безначальна прославляю, три Свята пою, три соприносущна во едином Существом проповедаю: Един бо во Отце, Сыне и Духе славословится Бог.

**И ныне, Богородичен:** Жезл убо Моисеов, и жезл Ааронов, странное претворение, и паче ума смотрение имеша: Твое же чрево Богородительнице, рождество обновляет новое.

### **Седален, глас 4.**

#### **Подобен: Явился еси:**

Смоковницы осуждение / да не предварит тя: / но благия плоды потщися сердца / броздами душе творцу Твоему Христу возвести, / в покаянии Ему приносящи.

### **Песнь 8.**

**Ирмос:** На горе святей прославльшася, / и в купине огнем Приснодевы / Моисеови тайну явльшаго, / Господа пойте и превозносите во вся веки.

Целомудрием украсивше житие, и мудростию сохранивше веру, правды нравы възвещем, да в мужестве последующе, Христови сраспнемся.

Другую Еву обрет египтяныню, не победися к неподобному деянию патриарх Иосиф, но ста якоже некий адамант, от страстей не ят греховных.

Преходя житейская шествия Спасе мой, взалкал еси волею, спасения всех желая: сего бо взалкал еси, обращения от Тебе удаленных.

Праотец вкуш от древа, яко познася наг и посрамлен, листовие смоковное взем препоясая: соборище бо обнаженное Христа проображашеся.

Готовися душе прежде исхода, устрой себе ко оному житию: и Христу тебе ради пострадати тщася, да тя прославит, потщися спострадати, и сраспятися, и умрети.

Како не ужаснется смерть, Спасе мой? Како не убоится ад сретый Тя, по благоизволению к страсти тщася, и о неправедных праведна Тя зря пострадати пришедша?

Лазарево востание видевшие иудеи, священницы и левити клятвенное согласие завистию уготовльше, лестию предательства, Христа предаша на смерть Пилату.

Агница Твоя и Раба и Дева, к страсти Тя устремляющася видящи, и душу о нас полагающа, добраго Пастыря, утробю Матернюю по Тебе рыдаше.

**Благословим Отца, и Сына, и Святаго Духа, Господа.**

**Троицен:** Яко Единицу Существом пою Тя, яко Троицу Лицы Тя чту, Отче, и Сыне, и Душе Пресвятый: безначальную державу Твоего Царствия славлю во веки.

**И ныне, Богородичен:** Молит Тя Христе Богородица, молит ученик Твоих собор: Твой мир даруй миру Твоему, и щедроты Твоя подаждь нам богато во веки.

**Хвалим, благословим:**

**Ирмос:** На горе святей прославльшася, / и в купине огнем Приснодевы / Моисеови тайну явльшаго, / Господа пойте и превозносите во вся веки.

### **Песнь 9.**

**Ирмос:** Чужде матерем девство, / и странно девам деторождение: / на Тебе Богородице обоя устроишася. / Тем Тя вся племена земная / непрестанно величаем.

**Чужде** есть нечестивым целомудрие, и странно праведником законопреступление, Иосиф же великий уклонися греха, и целомудрия бысть образ, и подобие воистинну Христово.

**Чужде** есть беззаконником благозаконие, и странно неверным Богоразумие: иудее же сия отринуша за беззаконие. Темже и едины сами наследоваша, якоже смоковница, клятву.

**Взалка** человеческого спасения, хлеб сый жизни, Христос и Бог мой. Темже смоковницу предварив, бесплодное соборище, листвием обростшую законно, яко виде, проклят.

**Законное** неплодие проклял еси, яко листвие процветающее писменосенный разум, плодов же дел не имущее за беззаконие: нас же всех благодати сынов, Спасе благослови.

**Жезл** убо Моисеов древле в змию, Ааронов же жезл в зелено преложися, и процвете листвие: неплодное же изсохшее соборище законопреступное, в неплодную преложися смоковницу.

**Готови** Иудее священники твоя, и устрой руце к богоубийству: се бо прииде кроткий и молчаливый на страсть, Агнец сый и Пастырь наш, Христос Царь Израилев.

**Приими** Иудее Царя, се бо на страсть приходит волею, да постраждет, и спасет зовущия непрестанно: благословен Грядый спасти Крестом всяческая.

**Обратил** есть Иудее, праздники твоя в плачь Владыка, по пророчеству: богоубийца бо показалася еси обращаго древле камень, и несекомый во источники водныя и езера, якоже поет Давид.

**Слава:** **Чужде** есть беззаконным, еже Тя славити безначальное Существо, Отца, и Сына, и Святаго Духа, несозданное вседержительство, Имже весь мир соделася, манием Божественныя державы Твоея.

**И ныне:** Приводим в молитву Богородицу: Тоя молитвами и апостол Твоих, общники ны сотвори Владыко благих Твоих, и светлости сподоби Спасе Воскресния Твоего.

**И паки Ирмос:** **Чужде** матерем девство, / и странно девам деторождение: / на Тебе Богородице обоя устроишася. / Тем Тя вся племена земная / непрестанно величаем.

**Ведомо** буди, яко в сию святую Великую седмицу единою совершаем Псалтирь, и глаголем на Утрени кафисмы три, и на часех, 3-м и 6-м, две. И совершаются в среду. В Великую же Субботу стихословятся Непорочны, в Вечернях же глаголем обычно: Ко Господу внегда скорбети ми:

**ПОНЕДЕЛЬНИК ВЕЛИКОЙ СЕДМИЦЫ**  
**Во СВЯТЫЙ и Великий ПОНЕДЕЛЬНИК на УТРЕНИ**

**По шестопсалмии поем Аллилуиа, на глас 8, велегласно, и со сладкопением, и поем тропарь косоно и велегласно, и со сладкопением равно.**

**Глас 8:**

**Се Жених грядет в полунощи, / и блажен раб, егоже обрящет бдяща: / недостойн же паки, егоже обрящет унывающа. / блюди убо душе моя, / не сном отяготися, / да не смерти предана будеши, / и Царствия вне затворишися, / но воспрями зовущи: / Свят, Свят, Свят еси Боже, / Богородицею помилуй нас. [Трижды.]**

**Таже обычное стихословие с поклоны.**

**По 1-м стихословию седален, глас 1.**

**Подобен: Гроб Твой:**

**Страдания честная настоящий день, / якоже светила совершенная, возсиявают миру: / Христос бо грядет страдати благодатию, / вся содержай дланию, изволяет простретися на Древе, / еже спасти человека.**

**Слава, и ныне, тойже.**

**По 2-м стихословию седален, глас 1.**

**Подобен:**

**Невидимый Судие, / в плоти како виден был еси, / и идеши от мужей беззаконных убиен быти, / наше осуждение осуждая страстию Твоею? / Темже хвалу, величие и славу возсылающе власти Твоей Слове, / согласно приносим.**

**Слава, и ныне, тойже.**

**По 3-м стихословию седален, глас 8.**

**Подобен: Премудрости:**

**Страстей Господних начатки, / настоящий день светлоносит. / Приидите убо празднующы, усрящим песньми: / Создатель бо грядет Крест прияти, / испытания и раны, Пилатом судимь. / Темже и от раба ударен быв по главе, / вся терпит, да спасет человека. / Сего ради возопиим Ему: / Человеколюбче Христе Боже, / прегрешений даруй оставление, / покланяющимся верою пречистым страстем Твоим.**

**Слава, и ныне, тойже.**

**И абие посем чтение / в толковании Евангелиа еже от Матфеа. И Слово Иоанна Златоустаго о изсохшей смоковнице, емуже начало: Якоже убо видя: И**

слово Дамаскиново о изсохшей смоковнице, и о притчи винограда. Таже, И о сподобитися нам: Евангелие от Матфеа, зачало 84, без преступки: Во время оно, возвращая Иисус во град, взалка: Конец, в зачале 88-м: И дастся языку творящему плоды его.

### Евангелие от Матфеа, зачало 84. [Мф. 21, 18 – 43.]

Во время оно: **О**у́трѣ же возвраща́сѧ во гра́дъ, взалка: и оу́зрѣвъ смоковницѣ́ еди́нѣ при пѣти, прѣиде къ ней, и ничто́же ѡ́врѣте на ней, то́кми листвѣ́е еди́но, и гла́ ѿй: да нико́лиже ѿ тебе́ пло́дѧ бѣдетъ во вѣки. **И** ѡ́бѣе ѿзше смоковница. **И** видѣ́вше оу́чицы́ дивѣ́шасѧ, глаго́люще: ка́кѡ ѡ́бѣе ѿзше смоковница; **ѿ**вѣща́въ же и́исъ рече́ и́мъ: а́минь гла́ вамъ: ѡ́ще и́мате вѣрѣ́ и не оу́сѡмнитѣ́сѧ, не то́кми смоковничное сотворите́, но ѡ́ще и горѣ́ сей рече́те: двѣ́гнисѧ и вѣрзисѧ въ мо́ре, бѣдетъ: и всѧ́, е́лика ѡ́ще воспро́сите въ моли́твѣ́ вѣрѡ́юще, прѣ́имете. **И** прише́дшѣ́ емѣ́ въ це́рковь, пристѡ́пиша къ немѣ́ оу́чащѣ́ архѣ́ере́е и ста́рцы лю́дстѣ́и, глаго́люще: ко́ею вла́стїю сѣ́ѧ твори́ши; и кто́ ти даде́ вла́сть сѣ́и; **ѿ**вѣща́въ же и́исъ рече́ и́мъ: вопрошѣ́ вы и ѡ́зъ сло́во еди́но: е́же ѡ́ще рече́те мнѣ́, и ѡ́зъ вамъ рекѣ́, ко́ею вла́стїю сѣ́ѧ творю́: креще́нїе іо́анново ѿкѣ́дѣ́ вѣ́; съ нѣ́се ли, и́ли ѿ чело́вѣ́къ; **О**ни́ же помысли́хѣ́ въ себѣ́, глаго́люще: ѡ́ще рече́мъ, съ нѣ́се: рече́тъ на́мъ: почто́ оубо́ не вѣ́роставте́ емѣ́; ѡ́ще ли рече́мъ, ѿ чело́вѣ́къ: бо́имсѧ наро́да: вси́ бо и́мѡ́тъ іо́анна ѡ́кѡ прѣ́рока. **И** ѿвѣща́вше и́исови рѣ́ша: не вѣ́мы. Рече́ и́мъ и то́й: ни ѡ́зъ вамъ гла́, ко́ею вла́стїю сѣ́ѧ творю́. **Ч**то́ же сѧ́ вамъ мнѣ́тъ; **Ч**ело́вѣ́къ нѣ́кїй и́мѡ́ше два́ сы́на, и прише́дъ къ пе́рвомѣ́, рече́: ча́до, и́ди днѣ́сь, дѣ́лай въ вѣ́ноградѣ́ моѣ́мъ. **О**нъ же ѿвѣща́въ рече́: не хо́щѣ́: послѣ́дїи же раска́всѧ, и́де. **И** пристѡ́пль къ дрѡ́гомѣ́, рече́ та́коже. **О**нъ же ѿвѣща́въ рече́: ѡ́зъ, го́споди (и́дѣ́): и не и́де. **К**їи́ ѿ о́воѡ́ сотвори́ волю́ о́тчѣ́; **Г**лаго́лаша емѣ́: пе́рвый. **Г**ла́ и́мъ и́исъ: а́минь гла́ вамъ, ѡ́кѡ мытарѣ́и и лю́бодѣ́йцы́ варѡ́ютъ вы́ въ цѣ́ркви́и вѣ́и: прѣ́иде бо́ къ вамъ іо́аннъ (крѣ́титель) пѣ́тѣмъ прѣ́внымъ, и не вѣ́роставте́ емѣ́, мытарѣ́и же и лю́бодѣ́йцы́ вѣ́роставша емѣ́: вы́ же видѣ́вше, не раска́жтесѧ послѣ́дїи вѣ́ростави́ емѣ́. **И**нѣ́ прѣ́тчѣ́ слы́шите. **Ч**ело́вѣ́къ нѣ́кїй вѣ́ домовѣ́тъ, и́же наса́ди вѣ́ноградъ, и ѡ́плото́мъ ѡ́градѣ́ е́го, и и́скопѧ въ не́мъ то́чию, и созда́ столѡ́пъ, и вдаде́ и́ дѣ́лателе́мъ, и ѿи́де. **Е**гда́ же привѣ́жисѧ вре́мѧ пло́дѡ́въ, посла́ раба́ своѧ́ къ дѣ́лателе́мъ прѣ́ѧти пло́ды е́го: и е́мше дѣ́лателе́ равѡ́въ е́го, о́ваго оубо́ вѣ́ша, о́ваго же оубѣ́ша, о́ваго же ка́менїемъ

повѣша. **П**аки посла ѿны рабы множайша пѣрвыхъ: и сотвориша ѿмъ такоже. **П**ослѣдїи же посла къ нимъ сына своего, глагола: оусрами́тсѧ сына моего. **Д**ѣлателе же видѣвше сына, рѣша въ себѣ: сей ѣсть наследникъ: прїидите, оубѣимъ его и оудержимъ досто́нїе его. **И** ѣмше его изведоша вонъ изъ винограда и оубѣша. **Е**гда оубо прїидетъ господинъ винограда, что сотворитъ дѣлателемъ тѣмъ; **Г**лаголаша емѸ: слы́хъ слы́бъ погубитъ ихъ, и виноградъ предасть ѿнымъ дѣлателемъ, иже возда́тъ емѸ плоды во времена своѧ. **Г**ла ѿмъ иисъ: нѣсте ли чїи николїе въ писанїихъ: ка́мень, его́же не въ рѣдѣ сотвориша зиждѸщїи, сей бысть во главѣ оугла; ѿгда бысть сѣ, и ѣсть дивно во о́чїю ва́шею. **С**его́ ради глаю ва́мъ, ѿкъ ѿиметсѧ ѿ ва́съ црѣтвїе вѣѣ и да́тсѧ ѿзыкъ творѸщемѸ плоды его́:

**Посем псалом 50. Таже, Спаси Боже люди Твоя: Господи помилуй, 12.**

Трипеснец, творение господина Космы, егоже краестрочие: Ти девтера, си есть: во второй день, еже есть понедельник. Ирмос по дважды, тропари на 12.

Припев: Слава Тебе Боже наш, слава Тебе. [Сей во всю седмицу].

**Последи ирмос, оба лика вкупе. Глас 2.**

**Песнь 1.**

**Ирмос:** Непроходимое волнящееся море, / Божиим Своим велением изсушившему, / и пешествовати сквозе е Израильтеския люди наставльшему, / Господеви поим, / славно бо прославися.

Неизреченное Слова Божия схождение, еже Христос Тойжде есть Бог и Человек, еже Бог невосхищением быти непщевав, внегда вообразатися рабом, показывает учеником, славно бо прославися.

Послужити Сам приидох, Егоже зраком Создатель волею обложен есмь, обнищавшему Адаму, богатствуяй Божеством, положити хотяй Мою душу избавление зань, иже безстрастный Божеством.

**Кондак, глас 8.**

**Подобен: Яко начатки.**

**Иаков** рыдаше Иосифова лишения, / и доблий седяше на колеснице, яко царь почитаемъ: / египтяныни бо тогда слаstem не поработав, / воспрославляшеся от Ведущаго человеческая сердца, / и Посылающаго венец нетленный.

**Икос:** На рыдание ныне приложим рыдание, и излием слезы со Иаковом, плачущеся Иосифа приснопамятнаго и целомудреннаго, порабощеннаго убо телом, душу же непорабощену соблюдшаго, и Египтом всем царствовавшаго: Бог бо подает рабом Своим венец нетленный.

## **Синаксарий.** Стихи на Иосифа Прекрасного:

**Целомудренный Иосиф, праведный держитель явился:**

**И пшеницодавец, о добрых стоже!**

**Стихи на изсохшую смоковницу:**

**Соборище смоковницу Христос еврейское,**

**Плодов чуждую духовных вообразуя,**

**Клятвою усушает: еяже бежим страсти.**

**Во** Святый и Великий Понедельник память творим блаженнаго Иосифа Прекраснаго, и изсохшия смоковницы: занеже начало отсюда приемлют святая страсти Господа нашего Иисуса Христа: Иосиф же во образ Сего первое приемлется. Сей убо сын последний бяше патриарха Иакова, от Рахили ему рожденный, от своих же братьий позавиден быв неких ради во сне видений. Прежде убо во ископание рова скрывается: и отец его от детей прелестию окровавленную ризою украдается, яко от зверя изъяден бысть. Таже на тридесятих сребреницех продан бывает исмаилитом, иже паки продают его Пентефрию, начальнику скопцей царя Египетскаго фараона. Неистовствовавшей же госпоже его на целомудрие юноши, понеже беззакония содеяти не восхоте, ризу оставль отбеже: она же господину его оболгает его, и узы и темница горькая сего приемлет. Таже разрешением снов изводится, и царю является, и господин всея земли Египетския поставляется. Паки же пшеницодательством братьям явлен бывает, и всяческое своего живота добре препроводив, во Египте умирает, великий о целомудрии при инех его добрых познаваемый. Образ же сей Христов: зане и Христос от единоплеменных иудей завистуемь бывает, и от ученика на тридесяти сребреницех продается, и во мрачный и темный ров, гроб, заключается, и оттуду самовластно восторгнувся, царствует над Египтом: яве на всякий грех, и до конца сего побеждает, миром же всем обладает, и человеколюбно искупует нас таинственным пшеницодательством, яко Сам Себе за нас давый, и яко питает нас небесным хлебом, Своею живиносною плотию. По сему убо словеси, Прекрасный Иосиф ныне приемлется. Зде же и о изсохшей смоковнице память творим: занеже божественнии евангелисти, сиестъ, Матфей и Марко, по повести о ваиах приносят: во утрие же изшедшим им от Вифании, взалка. Другий же утру же возвращая во град глаголет, взалка, и видев смоковницу, листовие токмо имущую, не бе бо время смоквам, прииде к ней, и елма, плода не обрете на ней, рече: да не ктому плод от тебе будет в век: и изсше абие смоковница. Смоковница убо есть, сонмище иудейское, на немже плода подобнаго Спас не обрет, точию осеняющее закона, и сие отъят от них, праздно всячески содеяв. Аще ли же кто речет: почто бездушное древо сухо бысть, клятву взявшее не согрешившее? Да навыкнет, яко иудее видяще Христа присно всех благодетельствующа, никомуже ключимое скорбно соделавша, непщевашу, яко силу имать точию благодетельствовати,

злотворити же ни. Человеколюбив же Владыка сый, не восхоте на человеце сие показати, и сему быти: да убо уверит неблагодарныя люди, яко имать силу и к муце довольную: яко благ же не хочет, на бездушном и нечувственном естестве мучение соделовает. Вкупе же некое и неизглаголанное слово есть, от старец премудрых к нам пришедшее. Якоже глаголет Исидор Пилусиот: яко древо преступления сие бысть, егоже и листвие в покров преступльшии употребиша. Темже и проклятыя от Христа человеколюбно, понеже тогда сие не пострада, ктому плода не принести виновна греху. А якоже грех смокви уподобляется, благоявленно: имать бо услаждающее сласти, прилепляемое греха, и ожесточающее последи и полотевающее совестию. Обаче от отец смоковничная повесть зде умиления ради положиши, якоже Иосифа ради, за еже носити образ Христов. Есть же смоковница всяка душа, всякаго духовнаго плода непричастна: в нейже утру, по настоящей яве жизни, не обретая Господь покоя у нея, усушает ю клятвою, и в вечный посылает огонь, и столп некий стоит усушенный, устрашая не делающих прикладнаго добродетелей плода. Прекраснаго Иосифа молитвами Христе Боже помилуй нас.

### **Песнь 8.**

**Ирмос:** Устрашися отроков благочестивых, / сообразнаго души несквернаго тела, / и устранися воспитанный в безмерном веществе, / неутружден огонь: / присноживущу же изувядшу пламени, / вечнующая песнь воспевашеся: / Господа вся дела пойте, / и превозносите во вся веки.

**Вас** тогда Моих учеников познают вси, аще Моя заповеди соблюдете, глаголет Спас другом, ко страсти идый: мир имейте в себе, и во всех, и смиренная мудрствующе возвыситесь: и Господа знающе Мя пойте, и превозносите во вся веки.

**Чина** сопротивна вам языческа, да есть держава купнородных: не жребий бо Мой, мучительство же разум самоизбранный. Иже убо предызанный в вас быти хотяй других, да есть всех последний: и Господа знающе Мя пойте, и превозносите во вся веки.

**Хвалим, благословим:**

**Ирмос:** Устрашися отроков благочестивых, / сообразнаго души несквернаго тела, / и устранися воспитанный в безмерном веществе, / неутружден огонь: / присноживущу же изувядшу пламени, / вечнующая песнь воспевашеся: / Господа вся дела пойте, / и превозносите во вся веки.

**Честнейшую не поем.**

## Песнь 9.

**Ирмос:** Возвеличил еси Христе рождшую Тя Богородицу, / от Неяже Создателю наш, / в подобострастное нам облеклся еси тело, / наших прегрешений решительное: / Сию ублажающе вси роди, Тебе величаем.

Скверну всю страстную отринувше, достойный Божественнаго Царствия разум восприимем благомудрственный, Твоим апостолом предрекл еси, всех Премудросте: в немже прославитеся, светящися солнца светозарнее.

Взирающе на Мя, рекл еси Господи Твоим учеником, не мудрствуйте высокая, но соотведитесь смиренными: Мою, юже пию, пийте чашу, яко да во Царствии Отца со Мною прославитеся.

**Ирмос:** Возвеличил еси Христе рождшую Тя Богородицу, / от Неяже Создателю наш, / в подобострастное нам облеклся еси тело, / наших прегрешений решительное: / Сию ублажающе вси роди, Тебе величаем.

### И поклон до земли.

Ексапостиларий глаголем трижды, косо и со сладкопением. Сей же глаголется до Великаго Четвертка, поется же посреде церкви от певца, и противу глашается от нас:

Чертог Твой вижду Спасе мой, украшенный, / и одежды не имам, да вниду вонь: / просвети одеяние души моя Светодавче, / и спаси мя.

### На хвалитех стихиры самогласны на 4, глас 1:

Грядый Господь к вольной страсти, / апостолом глаголаше на пути: / се восходим во Иерусалим, / и предастся Сын Человеческий, / якоже есть писано о Нем. / Приидите убо и мы, очищенными смыслом, / сшествуем Ему, и сраспнемся, / и умертвимся Его ради житейским сластем, / да и оживем с Ним, и услышим вопиюща Его: / не ктому в земный Иерусалим, / за еже страдати, но восхожду ко Отцу Моему, / и Отцу вашему, и Богу Моему, и Богу вашему, / и созовышу вас в горний Иерусалим, / в Царство Небесное. [Дважды.]

**Глас 5:** Достигше вернии спасительную страсть Христа Бога, / неизреченное Его долготерпение прославим: / яко да благоутробием Своим / совоздвигнет и нас умерщвленных грехом, / яко Благ и Человеколюбец. [Дважды.]

### Слава, и ныне, глас тойже:

Господи, грядый к страданию, / Твоя утверждая ученики, / глаголал еси особь прием их: / како глагол Моих не помните, / яже прежде рекох вам? / Яко всякому пророку несть писано, / токмо во Иерусалиме убиену быти. / Ныне убо время настоеит, еже рекох вам: / се бо предаюся рукам грешных поруган быти, / иже и Кресту Мя пригвоздивше, / и погребению предавше, / омерзена вменяют яко

мертва. / Обаче дерзайте: / тридневен бо востану в радость верных, / и жизнь вечную.

### **На стиховне самогласен. Глас 5:**

**Господи**, к таинству неизглаголанному Твоего смотра, / не довлеючи сынов Зеведеовых мати, / прошаше Тя, временнаго царства почести дароватися чадом ея: / но вместо тоя, чашу смерти обещал еси пити другом Твоим, / юже чашу прежде сих пити Сам глаголал еси, / грехов очищение. / Темже Тебе вопием: / спасение душ наших, слава Тебе.

**Стих:** **Исполнихомся** завтра милости Твоя Господи:

**Господи**, совершеннейшая мудрствовати, / Твоя наказуя ученики, / не уподобитися языком глаголал еси, / во еже обладати меньшими: / не тако бо будет вам Моим учеником, / яко нищий хотя есмь. / Первый убо вас, да будет всем слуга: / начальствуяй же яко начальствуемый, / предызящный же яко последний. / Ибо приидох Сам обнищавшему Адаму послужити, / и избавление дати за многих душу Мою, / вопиющих Ми: слава Тебе.

**Стих:** **И буди светлость** Господа Бога нашего на нас:

**Глас 8:** **Изсохшия** смоковницы за неплодие, прещения убоявшеся братие, плоды достойны покаяния принесем Христу, подающему нам велию милость.

### **Слава, и ныне, глас тойже:**

**Вторую** Еву египтяныню обрет змий глаголы, / тщашеся ласканьми запяти Иосифа, / но той оставив ризу, бежа греха: / и наг не стыдяшеся, / якоже первозданный прежде преслушания. / Того молитвами Христе помилуй нас.

**Таже:** **Благо есть:** **И прочая по обычаю с поклоны.**

**Таже отпуст:** **Грядый** Господь на вольную страсть, нашего ради спасения, Христос истинный:

**Сей же отпуст глаголется во вторник и в среду.**

Ведомо же буди, яко на **1-м** часе и **9-м** Псалтирь **не** глаголем в Великую седмицу: но точию глаголются трипсалмны, но обычаю. Третий же час и шестый поем со Псалтирем. Читается же и Четвероевангелие, в Понедельник, во Вторник и в Среду совершается.

При часе **3-м** дне (**9-й** час утра – А.Р.) ударяет паракклисиарх в било, яко же есть обычай. И собравшеся в церковь, поем **3-й час, с кафисмою:** и творяще обычныя поклоны. Таже тропарь: Господи, Иже Пресвятаго Твоего Духа: и Богородице Ты еси лоза: поклоны **3.** И абие украшену аналогию, положат на нем верху святое Четвероевангелие, и два лампадома возжженнома. Всем же стоящим откровенными главами. Священник же кадит храм весь, и братию.

А на 6-м часе кадит токмо Евангелие. На 9-м же часе Евангелие кадит, и храм весь, и братию: И тако четет Евангелие. По скончании же чтения Евангелиа глаголем: Господь Бог благословен: И прочее последование. Глаголется и кондак дне: Иаков рыдаше: И обычные поклоны. И абие начинаем шестый час. Приидите поклонимся: трижды, и псалмы обычные: **Кафисму рядовую**. Таже тропарь: Иже в шестый день же и час: и Богородичен: Яко не имамы дерзновения: и поклоны 3.

**Таже тропарь пророчества, глас 6:**

Душею сокрушенною / припадаем Тебе, / и молим Тя Спасе мира: / Ты бо еси Бог кающихся.

**Слава, и ныне, тойже:**

**Прокимен, псалом 125, глас 4: Внегда возвратити Господу плен Сионь.**

**Стих: Тогда исполнишася радости уста наша.**

**Пророчества Иезекиилева чтение. [Глава 1, ст. 1 – 20]**

Бысть в тридесатое лето, в четвертый месяц, в пятый день месяца, и аз бых посреде пленения при реце Ховар: и отверзошася небеса, и видех видения Божия. В пятый день месяца, сие лето пятое пленения царя Иоакима: И бысть слово Господне ко Иезекиилу сыну Вузиеву, священнику в земли халдейстей при реце Ховар. И бысть на мне рука Господня. И видех, и се дух воздвизайся, грядяше от севера, и облак великий в нем, и свет окрест его и огонь блистайся: И посреде его яко видение илектра посреде огня, и свет в нем: посреде яко подобие четырех животных: и сие видение их, яко подобие человека в них. И четыре лица единому, и четыре крила единому: И голени их правы, и пернаты ноги их, и искры яко блистающая медь, и легка крила их: И рука человека под крилами их на четырех странах их. И лица их и крила их четырех держащаяся друг друга, лица же их четырех не обращаюся, внегда ходити им: коеждо прямо лица своего хожду. И подобие лиц их, лице человеческое, и лице львово одесную четверем, и лице тельчее ошуюю четверем, и лице орлее четверем. [И лица их] и крила их простерты свыше четверем, коемуждо два сопряжена друг ко другу, и два покрываху верху телесе их, и коеждо прямо лицу своему идяше: Идеже аще бяше дух шествуй, идяху, и не обращаюся. И посреде животных видение яко угля огня горящаго, яко видение свещ соображающихся посреде животных, и свет огня, и от огня исхождаше яко молния. И животная течаху, и обращаюся, яко видение везеково (блистания): И видех, и се коло едино на земли держащееся животных четырех: И видение колес, и сотворение их, яко видение фарсиса, и подобие едино четверем: и дело их бяше, якоже аще бы было коло в колеси. На четыре страны их шествоваху: не обращаюся, внегда шествовати им, Ниже хребты их, и высота бяше им: и видех та, и плечи их исполнены очес окрест четверем. И внегда шествовати животным, шествоваху и колеса держащиеся их: и внегда воздвизатися животным от земли, воздвизахуся и колеса. Идеже аще бяше облак, тамо бяше и

дух, еже шествовати: шествоваху и животная, и колеса воздвизахуся с ними, зане дух жизни баше в колесех.

**Прокимен, псалом 126, глас 4:** Аще не Господь созиждет дом, всеу трудишася зиждущии.

**Стих:** Аще не Господь сохранит град всеу бде стрегий.

**И** чтется Евангелие по предписанному чину. По чтении же, Скоро да предварят ны щедроты Твоя Господи: Трисвятое, с поклоны. По Отче наш: Кондак дне. Господи помилуй, 40. И прочее по обычаю, и отпуст.

Ведомо же буди: яко Евангелие от Матфея все чтется, подобне и от Марка, и от Луки: от Иоанна же чтется до начала святых страстей, яве яко до **Ныне** прославися Сын Человеческий: Чтется же тако в трех днех, сиречь, в Понедельник, во Вторник, в Среду: И совершается в Среду на 9-м часе.

Бывают же от Луки чтения три. Прочая же по два. Вкупе всех чтений девять, и вящше ничтоже. Девятый же час трех дней стихословия не имать, якоже речеса. Но по трипсалмии поется от учиненнаго монаха: **Иже** в девятый час: Слава, и ныне: **Иже** нас ради рождейся от Девы: **И** бывает чтение в Четвероевангелии: По немже глаголем: Не предаждь нас до конца:

Трисвятое с поклоны.

По Отче наш:

Кондак дне. Во Царствии Твоем: **И** прочее последование, яко обычно. Глаголем же и кондак дне. Присовокупляем же и Вечерню.